

АРХИВТІҢ ҚҰРЫЛУ ТАРИХЫ

Целиноград облыстық Халық депутаттары кеңесі атқару комитетінің 1989 жылғы 25 қаңтардағы № 1/19 шешімімен және Атбасар аудандық Халық депутаттары кеңесі атқару комитетінің «Аудандық атқару комитеті жанындағы жеке құрам бойынша өзін өзі қамтамасыз ететін мұрағатты ұйымдастыру жайлы» 1989 жылғы 26 қаңтардағы № 3 шешіміне сәйкес Мариновка селосында Атбасар аудандық атқару комитеті жанындағы жеке құрам бойынша өзін өзі қамтамасыз ететін мұрағат құрылды.

Ақмола облыстық әкімшілігі басшысының 1992 жылғы 3 сәуірдегі «Жекешелендірілген кәсіпорындар мен ұйымдардың құжаттары мен мұрағаттарының сақталуын қамтамасыз ету шаралары туралы» № 17 шешімі және Ақмола облыстық әкімшілігінің мұрағаттар мен құжаттамалар басқармасының 1993 жылғы 4 қаңтардағы «Аудандық әкімшіліктер жанындағы өзін-өзі қамтамасыз ететін мұрағаттарды аудандық мемлекеттік мұрағатқа айналдыру және жаңаларын қалыптастыру туралы» № 1 бұйрығы бойынша Атбасар аудандық атқару комитеті жанындағы жеке құрам бойынша өзін өзі қамтамасыз ететін мұрағат Атбасар ауданының мемлекеттік мұрағаты болып қайта құрылды.

1996 жылдың 13 қыркүйегінде Ақмола облысының әділет департаментінде мұрағат Атбасар ауданының мемлекеттік мұрағаты ретінде тіркелді.

1999 жылдың 8 сәуірінде мұрағат Ақмола облысы мұрағаттар және құжаттама бөлімінің «Атбасар ауданының мемлекеттік мұрағаты» мемлекеттік мекемесіне қайта тіркелді.

Заңды тұлғаны мемлекеттік қайта тіркеу туралы 2008 жылғы 16 маусымдағы № 67-1902-04-ГУ куәлікке сәйкес мұрағат Ақмола облысы мұрағаттар және құжаттама басқармасының «Атбасар ауданының мемлекеттік мұрағаты» мемлекеттік мекемесіне қайта тіркелді.

Заңды тұлғаны мемлекеттік

қайта тіркеу туралы 2016 жылғы 08 маусымдағы № 960940000487 куәлікке сәйкес архив Ақмола облысы мұрағаттар және құжаттама басқармасының «Атбасар ауданының мемлекеттік мұрағаты» коммуналдық мемлекеттік мекемесіне қайта тіркелді.

Мемлекеттік архивте 1926-2020 жылдарға арналған Атбасар ауданының және ішінара бұрынғы Мариновка ауданының ұйымдары, кәсіпорындары және мекемелерінің құжаттары сақталуда.

Сонымен қатар Атбасар және бұрынғы Мариновка аудандарының таратылған кәсіпорындарының, мекемелерінің, ұйымдарының жеке құрамы туралы құжаттар сақталған.

Архив жаңа қорлармен толықтырылып отырады. Қазіргі уақытта Атбасар ауданының мемлекеттік архивінде 190 қор бар, оған 45957 сақтау бірліктері кіреді, оның ішінде: басқару құжаттамасы 20283 сақтау бірліктері және жеке құрам бойынша 25674 сақтау бірліктері.

Архив қызметкерлері құжаттардың сақталуы мен есептерін жүргізіп, олар мемлекеттік архивте қалай сақталса толықтыру көздері-ұйымдардың ведомствалық архивтерінде солай сақталуына жұмыс жасайды, әлеуметтік - құқықтық және басқа да сұрақтар бойынша заңды және жеке тұлғалардың сауалдарына жауап беру бойынша жұмыстар жүргізеді.

Г.ҚАЛИЕВА,

Атбасар ауданының мемлекеттік архивінің архившісі.